

員。新疆吐魯番在回鶻統治時代、雖崇奉摩尼教，但同時佛教亦極興盛，當亦設置有管理僧侶機構及人員。此紙作『都統所』當爲管理僧侶機構，與元典章『總統所』性質相同。又羅振玉高昌壁畫精華所載第十八圖、在巴則克里克壁畫中有上題法惠都統之像、進惠都統之像、智通都統之像均用回鶻文漢文對譯。皆回鶻時代所書。下面三人像、斷髮衣僧衣，無鬚，蓋和尚中而爲僧官者。因推此紙所題『觀音奴都統』蓋觀音奴而爲都統者也。

(十四) 漢文佛經印本

1. 大般若經殘片(圖版一二、圖14、)出吐魯番哈拉和卓舊城中。高二二·六厘米、寬四七·五厘米。起『實了』訖『蜜多』。共二十三行、行十四字。每字約一·四厘米。字爲圓體，筆力遒勁。首行有小字『大般若經第四百九十一卷第十張號字号』十七字。上下有墨線橫欄、左右邊緣無直線欄。現存三分善現品第三之十一部分，今與日本大正藏本玄奘所譯大般若經校對，文字無異。

2. 佛經殘片、出哈拉和卓舊城中。計爲兩片、均存上半。一、高二二厘米、寬一六·六厘米。起『二分』訖『无斷』。共六行。(圖版一三、圖15、)上有粗線墨欄、右旁有細線墨欄。一高二二·七厘米、寬一六·六厘米。起『故四』訖『斷乃』共六行。(圖版一三、圖16、)上有粗線墨欄、左旁有細線墨欄。兩片字體墨色相同，疑原爲一片，後斷爲二者。中間空隙，約寬二·五厘米，疑爲折疊之用。

3. 佛經殘片二件，出哈拉和卓舊城中。一、高三一·一厘米，寬一一·三厘米。起『是道』訖『乞食』。共六行、行十七字。(圖版一四、圖17、)左邊縫有『東四』及『九』剖半字。一、高二五·三厘米，寬一一·三厘米。起『衣藥』訖『故說』。共六行。(圖版一五、圖18、)因有殘缺，疑每行字數，或與上同。右邊縫有『東四』、『九』剖半字，蓋兩片原爲一片，後斷爲二，故『東四』字剖爲兩半也。背面寫回鶻文。又有『蕃王府』朱文長方章。字體整潔、紙微黃、上下有細線墨欄、疑亦爲折疊之用。每六行爲一面、一折十二行、與上片同。疑上片亦爲每行十七字也。背面均寫回鶻文。